

叙

江都朱冠南氏耽於詩遂窮於詩而人亦竒於詩者也
壯時學詩既成即廢其舉業絕意進取又不事產殖漸
至蕭然暮年益困然而數竒實甚夫耦不再娶終無後
人其廬遭燬僅數椽依附姊家身嬰竒疾竟至老弗除
自以非復完人無用於世稱之為老斃云時已屏棄一
切獨不廢詩且悉反舊日所為一以苦心出之有規以
詩能窮人者則執廬陵之說抗拒而勿納也垂老志益
孤骨益傲望見富貴通顯之人即疾趨而却走顧喜與



弋獵者流常狎遊於山巔水涯性嗜酒飲亦無多醉輒
誦靈運語曰得道應須慧業文人罕有知其意者凡風
雨未常出戶晴則縱其所往二三知己家每數至
必詩酒盡歡第座有不當意者便默坐不飲求其歡終
不可得好作艸書有奇氣欲得其詩者常設紙以俟酒
半輒書竟數幅笑而復飲其立异寡諧類多如此蓋無
之而不窮無之而不奇所以為冠南之人窮者而後工
奇者而能傳所以為冠南之詩也雍正癸丑六十三齡
忽卧秋不起伏枕時成五詩頗有見道之言罄發精華

歸還造物以畢其慧業矣生平吟稿最多惜慢不自錄
其友汪約谿柏岩昆仲愛其詩常問而隨筆十餘年未
得若干首今又得其篋中一帙并訪舊侶收藏者不忍
湮沒將雕以傳之屬余裒成四集因論其詩以叙之曰
冠南之於詩嗜由天性風騷漢魏而下靡不披覽惟以
唐為宗名已日諫知與不知者皆以為詩人也初遇之
於白下聽其論盧仝月蝕篇大得作者之心真不愧風
流名士後余未邦上君以衰病改容銷磨銳志曾幾何
時而即見盛衰如此惟喜其老去吟情漸於律細今汪

氏裛藏正暮年所作也。繙誦至再，知其所以學唐者，不
屑比擬字句，而獨能得其風格才情。故歲久自成一家，
可勿議其是唐非唐，而唐音具在也。昔文長先生人奇，
而文亦奇，世以長吉稱之。卒困窮老死，牖下賴有袁中
郎傳其遺集。今冠南詩辭清拔，又有妙深，惜其才識者
謂絕似溫飛卿也。然則蘅谿柏岩知之甚真，傳之甚切，
其亦冠南之中郎乎。鏡水潘寧。

拾月集

江都朱冕冠南著

五言古詩

對酒作

酒星射茆屋涼風濯塵襟飲酒妙無度一觴復一吟孤
吟易為醉既醉仍自斟醉中更何事取我壁上琴彈琴
貴沉默無弦乃至音傾聽不在耳會心良獨深撫琴一
長嘯逸響驚空林千古晉處士悠哉知我心

擬古鵝鴨行



早起放鷺鴨埜田螺蚌肥鷺鴨本水鳥日暮載來歸到
岸識場圃喧々樂有主僕在生死間胸中淚如雨

九日遊禪智寺

春秋多佳日多好景良易失三時已草々肯復辜九日
握手同夢人霜郊耐寒凜嗟我塵網中如鳥脫羅罽禪
智三里餘緩步往可即蜿蜒陟岡隴之々磬盤屋愴恍
方外遊景界眼中出寒壤悲鳴蟲霜毛刷棲鶻竹翠濃
欲流松濤響如沸錦葉攢衰林飛來何撼々江北揚風
輪江南見山骨朵々青芙蓉排空勢峭崿流覽懷大蘇

斜陽曝老衲指我殿角東髯公有遺筆摩挲撫殘碑棲
塵胃蕭瑟僵蝸粘枯涎扁螭穴歲匿斑剝生苔錢古字
黯如漆塵眼憎糝糊掃剔始能讀獐龍與渴虎縱橫罕
儔匹玩罷復何有泉聲滿雲室摠衣犯榛莽仄步履鬱
壘缺甃瑩冷光毛髮忽悚慄古井通岷岷轆轤轉寒縞
噴洒雪色明浸滌土花碧鴻漸味水經丹篆署第一拾
枝焮瓦鐺旗槍辨甲乙茗戰搜枯腸驚人苦無術一啜
清心脾過飲愁腹疾後甘嚙諫果冰齒擘霜摘席地客
參差盤礴見真率何敢希前賢偶然數成七古調摸風

騷新裁創格律詰曲探淵玄幽微恣咕嗶勃然作霞舉
安能事穆沕嘯歌龍山文歲久已沉汨固哉茱萸囊那
能錯凶吉咄彼萬石翁不值一斗秫渾沌一大棍人我
一蟻虱出處各有時非沉理難必寒鴟有腐鼠饑鳳鮮
竹實鷓鴣矜自張鳳飢恥人恤縱天一雨漿無由被狂
逸安能力南畝牛後掌鞭叱晴爽權曦娥雨風較箕畢
側身物外觀飲啄老崑谷得朋須盡歡悟道豈成佛人
生無百年胡為日啾唧來者猶可追往者不堪述俯仰
覽大荒歸途日云戍且向前村沽山醪味如蜜

寓言

涼颼鼓萬竅哀桐不復生雨暘乘天和竹實自不成鳳
鳥故不至反多寒鴟鳴腐鼠一鬮小群起相忿爭吾心
素容物所惡惟惡殺永矢學挾彈醜類吾當烹

食瓜行

金氣已全伏朱雀揚其鑣赤帝張火傘六合烘為窰賤
子如蟲蟻有穴何能逃豈無齊紈扇不見生涼颼豈無
締綌衣雨汗長如潮歌彼南風薰不為解鬱陶竟如嬌
兒失慈母仰天痛哭哀且號歆門有園叟送瓜大如斗

瓜價何其廉說瓜如蜜甜飯後日移匙腹中已半餒即
剖所送瓜、味好無比長柄杓大面盆食瓜瓢飲瓜水
寒水化作猩、紅食瓜何如飲瓜羹百年煩渴總消止
一陣清凉貫腦髓弥子殘桃不足論楚王萍實差堪擬
七碗幾見飛蓬萊五斗何曾殺倪偈得過且過且食瓜
往事從前益深悔於今種、生顛毛恨未兒時工抱耒
囊無長物貯瓜錢直使園丁笑書鬼請看廂、海底塵
晝夜羲和不停軌長安道上火龍珠終逐馬頭又馬尾
我今猶笑東陵生瓜甘瓜苦爭處名

拾月集

七言古詩

花鳥短歌行

江都朱冕冠南著

樓上望春東復東宿鳥踏花翻冷紅春心搖、一百刻
春愁細織如網空冰繭抽絲治復亂燈昏月黑啼鬼工
文君濯錦、江水天孫上訴天翁、天上玩花、過眼
東風不牽流水返鳥聲碎聒宵夢殘脉、春長晝短、
壽宗默夫四十初度

穠如桃鮮如李紛々輕薄身餘幾嘗聞蒙莊言君子之
交澹如水向往懷古人非敢比君子我今與君成澹交
澹中滋味如純醪每逢海蟾掛良夜不惜斗酒痛飲未
相招座客或衆寡不能無老乾今夕復何夕一飲須酩
醺今夕復何夕乃君四十初度之一朝我歌君飲酒君
飲我滿斗一讀再讀自壽詩海底玉珠落老手我媿家
無擔石儲那得千金上君壽惟願年々歲々木樨秋少
壯揮盃成白首

冬日游錢佛寺古水禪舍阻雨口占

小雪終過十日許紛紛落日下山下二十四橋古水菴
問水々從幾時古中有閒僧聞扣門案歇翻經袖綴補
乃云隣家酒初熟園裏冬蔬復可煮隣家酒如橄欖味
後味而甘先味苦長瓢大杓各盡歡一時襟坐無城府
須臾風從東南來颯々然々復縷々蟄龍屈曲歎嗚
天不雨雪翻雨雨酒人爛醉飲酒力風利如刀雨如弩
兩風逞勢不可當觸惱萬木如哮虎不教愁雨更愁風
况復林鐘復林鼓須拚大路踏醉歸醉數青錢買艸履
病中憶湖上舊游寄懷汪約谿

火龍受鞭走四維卓午直上窮簷飛六合如窞太陰滅
只留赤帝揚天威我曾與君避熱惱一舟古柳相來歸
習、柳風那足恃不時執扇猶輕揮忽剖甘瓜我驚起
恍若赤日涵朝輝俄頃魂定始啖嚼渾如冷玉冰清肌
古云物極則必返瘠苦那可思甘肥一朝金氣疏土母
昔者為瘞今者誰終過蟲豸夜寐、又看兩脚朝霏、
我今卧病北窓下簷前一樹開紫薇秋影玲瓏太瘦削
此情欲訴知音稀忽憶湖頭采蓮女自照明妝秋水湄
蓮子空房少同夢欲歌不歌聲嗚噫不為荷花抱紅死

眼前蒲柳易衰微君到秋天興不淺有時野泊清漣漪
不能從君坐蓬底我苦足病如重腓西風露冷泪誰墮
此中能不常依、葭莖蒼蒼各有待鳧鷖聚散皆忘机
荷葉翻風日就老可能為我裁秋衣

拾月集

五言律詩

秋夜咏懷

小圃荒人跡中宵獨自看
水花秋太苦山水老猶寒
浪迹青鞵易躬畊赤土難
蟪蛄如解我隨月弔勾闌
枯坐如禪寂鈎窻面冷烟
雲奔騎月雨星撒老晴天
自乏長腰米誰供內府錢
林陰看母子清夜舞胎僊
篝燈昏在壁衰影弔孤身
冷榻不成夢秋聲尋到人鹿

江都朱冕冠南著

麩訓有舊菱芡老嘗新遙望美人處蕭條秋水濱

竹樹生寒籟噓鳴萬竅風露從秋氣白月到子時空渾
沌栖頑鬼虛無化裸蟲濁醪藏秘久小杓試春紅
薄命如乾鬢霜天忍斷壺敗衣秋捲葉狂淚冷跳珠輪
指翻丁甲棲心入有無數錢聞姹女貧病好誰扶
冷露洗蒼碧銀河一界分斷腸驚早雁饒啄惱秋蚊畏
腹青精飯圍腰白練裙無聊憶丹訣欲問小茅君
空山三點漏胡坐一枯僧小弟乃堪此是人殊不能變
畦當雜草瓜架未除藤懶態殊堪咲痴々似凍蠅

彈指流光度如何官自傷廟裁坑俎豆海劫掃亭場盥
手紅薇露封書綠字香夜風如可藉憑腋問虛皇
東南支歲額哀痛迫天心一劍霜威重三秋殺氣深定
教車載鬼不用馬駝金迺此東方白驕陽散積陰
屏跡雲兼水依然舊鷗冠屠龍空自巧畫鬼不須完冷
眼何曾歇秋心強自寬江南重蓴菜盍致薦生盤
鞞履明王側抱書歸舊津命非長樂老詩是有心人把
劍誰堪說揮盃且自親悠然大自在解脫軟紅塵
一自梁園散閒門早閉秋野言多信史長笑即真愁黑

白争方罨雌雄脱荆緱古人有高隐皂帽海東頭
一笠雙芒履浪遊非等閒不才羞齒長多難笑生還同
夢二三子放情千萬山相期拾瑶艸踪跡翠微間
北雁已新霜韞鷹早破黃草枯飛獵馬弓勁走天狼官
食祠書鬼私函謝省即從今逐鷗鷺翔集泐橫塘
日出日復沒老去不禁過握髮已如此為欲能幾何瘦
骸同病鶻新釀比雛鷺借問灌園叟秋花何處多

觀獵四首

邊海北風高狂塵獵騎騷仰穿天雨血橫掠土無毛羽

括三稜弩金裝百寶刀豺狼期掃迹前路指旌旄
合縱包原隰從禽西復東折翎傷鵠白聯臂隨猩紅趙
發山中鼓齊揚大國風書生無主見班髡欲從戎
野燒遮岩谷山靈亦震驚揮旗嬌鳳舞拔箭餓鳩鳴剪
伐無飛走追奔有縱橫先王隱微意田獵寓觀兵
動地催田鼓輕裝短後衣獻獬郎主拜撲虎健兒飛玉
帳琵琶冷霜天首蓓肥岡頭分獵火昏黑照人歸

獨樹

獨樹橫溪側輪囷一望中凍雲朝暮合明月往來空屈

節容棲鳥孤根蟄候蟲冷風正和小天籟着衰翁

咏梅

朔吹滿岩谷寒梅欣自開刀圭換凡骨冰雪結仙胎遠
夢情難斷孤芳瘦也該此心與明月只是白皚皚
雪色妬梅色暮寒天老晴空谷一片月野獮千萬聲素
影媚幽獨冷香生太清看到會心處欲名無可名

雨中遊塔院題慎僧

細雨文殊塔閒僧秋樹意不來紅粉客空對碧油幢佛
火昏無焰山鐘冷自撞未曾歸淨土魔孽已生降

懷湛然鍊士

春草生離恨西風菊又華小人無定所之子更天涯林
酒情難割絺衣冷自加何時同石鼎相對煮青霞

題張子成少川圖

卜築幽篁裡干霄十畝寬霜根栽牧笛風籟製儒冠遮
屋歌招隱通渠賦考槃山居大自在不用報平安

焦山看月

老兔吐金液飛光不暫停漁窓窺擻笛僧舍照繡絳浮
水蓮花白干霄海氣青行天太無賴只避少微星

禪室生空寂，虛明背古松。踏來山頂月，看到子時鐘。雲氣奔蒼狗，江聲捲白龍。離人正愁絕，偏照水芙蓉。

食蠚

蠚壯秋登市，先教酒量寬。擘來分股殼，拈去識尖團。味奪青麟髓，光堆赤玉盤。殘年惜口腹，多感勸加飧。

秋懷

客自梁園散，貧居百念消。雀饑無可餒，松瘦不堪樵。有罪懷天問，無才失大招。偷枋好消息，多事說扶搖。

早春南郊小酌

勾芒新載煖，南圃華門開。兩甲黃舒韭，千花白到梅。長貧疎舊雨，小補即新醅。何幸邀天眼，孽、養不才。

豆棚

為嫌西曬日，編架學園丁。藤拂青蛇尾，花拋白鳳翎。翻風牽屋瓦，灑雨濕窗櫺。飽食空消酒，年來不願醒。

冬夜逢宗默夫潘老桐汪葯谿不至

不速期三客，柴車夕未過。園蔬東道薄，山酒北風多。大嚼那堪此，小人情奈何。蓬門一片月，隱、掛藤蘿。

春日雨中

野烟昏破屋枯坐比僧伽宿雨濃生草陰風冷掃花放
狂真有過多難本無家欲向成都卜何年泛海槎

新秋過以上人留飲

新秋爭末伏虛井接昏烟咫尺阿蘭若清涼小有天
荒喧吠蛤月午過鳴蟬老衲謀宵飲床頭聽數錢

過山僧精舍

小閣隣僧舍荒寒一徑通卓來藤杖子打動斧斤風
禪火明邊活心香定處空門前秋汛水踈樹影玲瓏

贈汪葯谿

褊性艱難慣論交莫我真入山求放士分飯與飢人
祭鬼殊堪笑書空大不因隣家有好酒高瓮絕清醇
努力培風雅知音絕世稀不階探月窟無縫製天衣
群馬皆凡骨諸天獨少微林泉洗塵夢風雨閉巖扉
得手渾無物筌蹄竟兩忘琴心如水澹筆力抵弓強
少小居狂國生涯到鬼方米鹽無瑣屑薇蕨即春糧
不二即無雙真空是面龐執鐙求夜火擔水益滄江
鬼母爭橫盃如來直樹幢眼前看小醜不戰已生降

春泛

宿雨生晴翠新晴一棹開柳綿纏燕嘴花雨漲魚腮遠
浦邀長笛深村覓舊醅殷勤候明月取醉就漁臺

歲暮過宋默夫留飲

海內棲、者情深一飯留土風嗟薄俗家教善悲秋改
歲除新火衝寒覓舊篋言歡不盡意臨別重搔頭

冬夜集繭廬酬方大以棉衣解贈

古道誰能重如君世更稀不才憐賤子多病贈冬衣揭
甕新醅煖投竿白小肥言歡貪泥飲街鼓夜忘歸

秋夜聽雨

簷溜響寒泉中宵困一瓊蠻雷駕天鼓猛雨促箏絃昏
黑無虛日窮愁到老年明朝費籌策何處望炊烟

贈潘老桐回新昌省墓

終稅秦關馬江舩今又登一身苦南北雙淚痛高曾別
酒我且醉好詩君自能家山慎游屐指顧即西陵

新夏

六畫交乾月微寒煖更輕浴蚕忙小嬾拋卷困諸生螻
蝻墻根雨櫻桃陌上晴村、多候鳥只是叫催耕

寓園池荷盛開飲中贈鳳郎

野館橫塘曲渾如入夢來
死央披雨宿菡萏抱香開
不信何郎粉能如越女腮
暑風須吞飲休更玉山頽
紅泛蓮花水伊人一共看
濃情炙手熟玉樹倚人寒
翡翠同巢易櫻桃種樹難
狂香生太早只在曲闌干

蛤蜊

沙市少文蛤攜歸不滿筐
同群恥螺蚌至味合榘薑
明月懷珠女金刀剖玉漿
窮居戀海國春蚤得先嘗

鍾馗

一怒辭金闕捐生絕可傷
祓除天下鬼消受午時香
有

恨堪浮白無家仗彼蒼
湘沅吊同夢青箬裹餓皇

雨後集周確齋晚明堂

酒盞成嗟咄朋簪聚晚明
蟾蜍吞燭火螻蛄報新晴
每惡藏鉤戲尤嫌拇戰聲
論詩愛此老新纂宋元明

三朝絕句

苦雨

五月曼陀雨淙淙不宵休
勞心千點碎僵臂半邊秋
乾淨誰家土虛無是處舟
陽光薄蝕盡莫怪杞人憂

游錢佛寺

錢佛何年寺未過日漸昏抽簪還故我披髮入空門古
井通心曲寒花掃脚根回看玉鈎處誰為賦招魂

除夕

向晚北風厲殘冬漸欲無年隨雙鬢改身與一鐙孤隣
曲謀新釀家園剪嫩蔬青鞋自籌策先辦踏春蕪

己酉元旦

曆本從時憲翻頭一歲新去羊猶告朔改火望交春西
鼓攤山鬼青祠禱穀神相期過隣父朋酒酌清醇

冬夜懷方勿堂

吾生何草々終歲困寒羶明月弔孤影北風欺老年荒
唐王氏臘空乏阮家錢記取羊裘贈朋簪又雪天

竹

種竹不擇地郊堂清影濃移床聽暮雨培土過殘冬壯
士宜分虎仙人有化龍平生重高節只許歲寒松

雨中城南送春

青帝歸南浦留春走病軀荷蓑如衣瓦扶杖當騎驢野
榻僧相借山醪我必需落花何戀々飛上老人鬚

冬日病起

不死身為累長貧世所稀
包羞乞火米失笑補中衣
惡鳥朝孤鳳明星避少微
短檠弔形影相顧沒光輝
去歲冬前後輕裝發望亭
洋茶開雪白山果買梭青
越國千峰繞吳樓十日停
歸來埽蓬戶播米贖空瓶
數椽縣冷罄衰髻不堪搔
止酒興趣死把書肩脊高
被僵渾似錢風勁漫如刀
老矣兼貧病誰能拔一毛
湖海荒行跡殘年歸故林
括囊無九府看腹有三壬
黃壤多遺老青雲少盍簪
空留一片鐵清夜學龍吟
少小不得志蹉跎今老年
失琴忘大雅揮淚痛終天
鐙

穗不結粟鼠聲空數錢
晚來何所有霜撒滿寒氈

早春集飲汪相岳宅

座上無尊客惟慙馬齒加
香羹下鹽豉村酒帶糟花
屈指春才過論心日又斜
聽詩愛老醜明日再君家

人日自酌

餉核今年盡東風七日餘
舊醕三角酒鮮鯽一雙魚
夢遠長揚賦心安下澤車
所求惟醉飽栩栩復蘧々

春初即事

勾芒司令月花信轉寒梅
積雪白無比衰顏紅不來
乞

將藪炭火宵放竹根杯故舊多車笠休教問草萊

觀奕

一枰分黑白清夜落寒聲坐隱紆長策行空接短兵披
離如破竹防戒比完城得失尋常事休教動不平
黑白猜先後陰謀各淺深三餐甘自廢半子更須侵變
化叅天數精微見匠心傍觀着冷眼支肘動孤吟
戰伐叅方畀明攻復暗侵不知玄女秘空嘔奕秋心妙
義遲、得陰謀冥、深傍觀貴公子無恠注黃金
敵手無優劣何曾厝算同伏機防外侮游刃取中空入

穀人皆易探幽鬼莫窮學成荒歲月尤恐誤童蒙

操杆衡小技旂鼓出新裁火捲秦宮去兵穿蜀道來秋
毫分得失冷眼變興衰有寸還須進圖成不用猜

奕道通玄象無為勝有為全牛何可恃脫兔不堪追莫
笑憂天拙曾經蠱卵危兩分懸一子收後不知誰

手談如有隙落子即爭衡種、天花散虛、海市生隱
憂存即墨哥計下陰平戰罷收殘局依然還太清

長至日集飲味蔬堂即席和汪葯谿

冬至長初至為歡各盡觴雞鳴分亥子龍戰奪玄黃舊

友稱完璧新詩抵夜光醉歌還起舞都愛老人狂

豆脯

作脯田家味盛來滿瓦盆
取宜三老飯羞入五侯門
豔鼓從人下煎熬有命存
孤舟阻風雨曾記買江村

游鏡佛寺

香火因緣地烟花古寶城
過橋流水活入寺肺肝清長
嘯作天籟浩歌多羽聲
忘機從小慣隨處結鷗盟

中元節後約友人尋秋

病起中元後蟬催玉露新
抱飢防化鬼多難恥依人客

織雙芒屨輕裁一幅巾
尋秋期野老脩簡過比隣

贈潤州蔡松原

我病君能識君才我更誇
狂襟濯海月渴筆飲江霞
螺女如供粟蝸牛即是家
夢遊與仙妾交手散天花
秀拔稱京口山靈尔自誇
斷雲能化石遠水欲吞霞
畫重無為法詩工老斲家
阿兄更奇癖猶愛撲缸花
百年齊物我蕭散足矜誇
卯飲三回酒宵餐一頓霞
獼猴原可戲湖海足為家
倚醉多清淚橫洗劍上花
丁卯橋邊客兒年已見
誇一身是青骨滿口嚼紅霞
劍

俠多才子詩人本畫家
嶺頭如踐約來踏小春花

病卧瀕死枕上率成

虛生五十二辛丑是歸年
噩夢那堪再新詩難盡傳
放言生有過被駭恨終天
忍見明朝是暗風吹紙錢
委蛻潛生化無知復有知
靈龜生脫桶瞎馬突臨池
始誤長生訣將歌薤露辭
怒號風萬竅渺漭滄游絲
夏鉤三部脉生死未分明
百骸強如錢一魂遊太清
野狐陰拜月妖鳥恠吹笙
不覺迷津處隣鐘十八聲
短榻眠清漏孤鐙撥又昏
一星明屋角雙斧伐天根
卜

葬憑師友觀空當子孫
少微應有數遺笑戴顓存

少年行

叱撥紫絲韁青年白面郎
呼盧花十八買笈野鴛央
開貫飛蚨母捫星落劍光
相逢邯鄲子攜手入毬場

蓮花埂散步答近人

雨水蓮花埂中通一杖來
柳枝歌古調荷葉卷新杯
薄命不如妾孤吟小有才
此時更此境誰與共徘徊

句曲道中

暫別神仙觀紅輪沒海濤
猛風防虎過昏月借羸騎失

脚誰青眼搖心有白髭故園三百里酒渴想查梨

冬日贈已軍楊大兼送北上

會面把衫袖言歡非偶然人如秋水澹詩比夜珠圓歲
晚日云暮我衰君壯年伏生無可授請試祖生鞭

宿瓜渚

積雨投瓜渚輕帆觸岫收寒鴻隨夢遠敗葉與身浮歸
思依吳榜狂歌擊越甌喜逢賢地主沈醉作天遊

汪葑谿就研昆季招遊錢佛寺次解直齋韻

窈壁阿蘭若山扉入亂松錢靈能化佛僧懶不聞鐘客

唱主相和臘醅春更濃禪床一片石醉睡儘堪容

贈高鳳岡

老屋如蝸殼誰人問索居新詩扣金石古篆駭蟲魚斗
酒足自勞一身能抱虛忘形吾與爾踪跡混樵漁

穀日默夫勿堂突夫諸子集飲葑谿齋中醉後聯

句

入春交穀日不速集茅堂祈歲豚蹄祝為歡瓮酒香老
梅供舊好生菜合新嘗偶爾朦騰醉世人稱古狂
合歡自不易漏中漫言歸園蔬一尺短溪鱗三寸肥無

慚金谷罰須任羽觴
飛明朝酬酒價莫惜典春衣

壬寅秋暮雨中同默夫登金山宿野雲精舍

石磴盤雲出攀躋
仗野僧雨昏携酒路星撒
過江燈海鶴痴臨水
沙蟲滑避繒回看放船
處雪浪抵山陵
風雨江天畫居然
海岳蒼茫游休客屢
投宿借僧龕未
遂浮槎計將求面
壁叅江波剪塵夢
從此欲抽簪
不寐魚龍窟那銷
客夜孤丹書降水
恠清酒祀天吳
忘夢痴還有禪心
淡欲無忽驚山吐
月四面敞冰壺
十笏精藍舍乍寒
江水濱風鈴動九
子篝火聚三人不

識水雲味如何鷗鷺親
叮嚀幾鞞屐再莫軟紅塵

中元

月節交夷則蟬聲木葉秋
萊羹貧祭鬼花甲老過頭改

火炊新穀分缸澆舊筍
乍凉何所事先辨虎谿游時李

有虎谿之約

客睡何曾着通宵法鼓喧
妖蠹司皓兔饑鬼望中元
叨利千花落豐都一杖掀
香燈有如此休問給孤園

江樓題壁

江樓欣借宿雲水任孤踪
四面老晴月一聲秋寺鐘
去

鄉無百里歸夢繞千峰客况如銷得前村酒濃

仄渚晚發

敗葉辭高樹荒隄入望多江搖一白練山結兩青螺楚竹懷沙賦吳樓擊擢歌重經少年處張弩射生鼉

代友人壽方庶咸

岳降鍾靈氣稱觴酒易傾新涼秋四日狂醉夜三更瑤艸青牛卧天書紫鳳鳴古稀尤好士羅拜有諸生

開歲五日集飲味蔬堂勿堂默夫葯谿聯句

舊雨多星散論心得素交清渾新歲酒醎淡隔年餽若

輩皆龍種吾生豈繫匏為歡拇戰勝不用貢包茅

人日勿堂諸子全集梅村別業聯句

七人逢七日人日總閒人共踐草堂約莫辜頭上巾江魚生潑村酒太醕街鼓已三動言歸須及辰子梅初放蕊階草細抽芽不惜酒滿瓮敢言詩到家愁腸難解結醉眼易生花混沌成歡聚無涯復有涯

秋日游錢佛寺

清淨阿蘭若槃遊跋屐過閒僧更事少古殿納秋多禪火棲行密宮螢化阿糜門前古井水寒月鏡新磨

憑高矐望眼風軟角巾斜滿寺鴨脚葉一山菽麥花貪
頑如稚子多病公僧伽往事生涯拙從今撒釣車
禪窟白雲深西風吹冷吟有人多散木無佛不頑金故
蒼浩然氣將安何處心此身如敗葉猶自戀空林

拾月集

江都朱冕冠南著

七言律詩

漁父

短笠長簑理釣車白髭人識老生涯
揜篙才轉桃花汛舉網先收謝豹蝦
滿地風波誰是險一篷烟雨即為家
年來海市應看足懶向王城玩物華

納涼

六月江城似火然不妨野飯減烹煎
魏王大瓠萸絲細

邵子甘瓜斗樣圓報怨不成羞任俠為儒空老欲逃禪
紅塵十丈門前路叉手看人賽着鞭

延壽菴看梅

佛屋梅花壓四圍暖風都作冷香飛詩人有過痴
嚼怨女無家望歸自分橫斜春信晚斷難消受雨絲肥
不知僧定寒鐘後明月還來掛衲衣

登北固山五首

清空鈴鐸上方懸偃僂人扶到絕顛立定青鞋原有地
望穿紅葉竟無天重賒濁酒休辭醉細補棉衣苦未全

回首生涯應笑倒欲將秋思問金僊

笳鼓驚心悚客顏頰教遺恨滿江關大官不必添營將
小醜從來是海蠻劃地一痕衣帶水揀空無數劍芒山
西川阨塞東吳險割據都成指頰間

東南雄鎮控江邊且喜平安到眼前白羽飛從霜降日
紅纛開到小春天孩提我即稱孤子狂放人當恕老年
忙處不祥間處福杖頭新得阮郎錢

白眼年來不易青江東耆舊盡飄零生成北固稱天險
來慣東爨識水經萬頃荻花飛雪浦一川楓葉敬秋屏

浪遊蓬鬢誰堪似銀漢枯槎泛使星
陸翻波浪海翻塵龍戰瓦黃指舊津痛哭有天容賤子
離憂無地着騷人迎神楚澤羅香艸歸夢吳淞剖細鱗
樵斧漸多山水少夕陽迷路滿荆榛

秋夜口占

老閉柴廬絕世氛不堪幽響夜喧聞鬼啼鬼笑散相似
寒兔寒蟾影不分涕淚有情移國俗雲雷無象著天文
殘年已悟平安足多向茅齋種此君

桑落年時村酒醇六骸踈懶失交親秋隨鴻雁孤同我
病到芙蓉白似人馬固有皮何可相龍如無德不須真
儒衣百補鞵千結直欲佯狂蹈海濱

床脚蟲聲絕淒涼未別是夜烏啼斷無遠夢通金馬
大有閒情養木雞白墮時三小甕黃花整一秋畦
虛皇最吝閒天地只讓狂夫唱鳳兮

懶慢年來不願醒浮生知是一漂萍北風衣薄秋兼夏
明月人孤影弔形夢戀死灰飛劫火事隨枯井落寒瓶
青錢入手須謀醉天上橫旗插酒星

九日風雨汪葯谿潘老桐招游不果

望到重陽風雨新說來朋酒絕清醇無聊慣作登高夢
有約翻為閉戶人寄傲黃花初放菊關情鴻雁絕來賓
於今欲問長房術浩歎全家只一身

秋泛

壺盧長柄竹根杯種秫前村有舊醅野衲寒多荒寺掩
酒人秋好画船開飛燕掠高還下點鷗輕去復回
商女琵琶宿衰柳隔簾清切不勝哀

平山堂懷古

隔江山色點青邱直與平岡一抹頭細艸齊分沽酒路

長松深掩誦經樓五千里外原通蜀七百年前始自歐
莫指隋宮舊游處至今螢火不勝秋

送楊已軍歸金陵

茱萸野水舊時灣自買新醅解客顏一笛離亭紅豆曲
五更殘夢白門山放狂敢辱羊頭吏善罵當如鯨舌蠻
記取青鞋踏江草莫避雙鯉報花閑

閒居

葦笋如斗抱新渠門外無人早掛車屋上養雞船放鴨
前山游獵後湖漁動搖星斗空藏劍破敗蟲魚久廢書

感激聖朝容我在少年狂悖老迂疎

鮒魚

銀鱗初上麥秋時悔未兒年學呂師傳食不慚為客早
長貧端愧薦先遲從游白小為支子同出黃姑公侍姬
一尾能沽十斛米幾曾輕易到茆茨

春郊

朝雨才過齊麥肥便教春恨滿芳菲画船載酒橫波送
細馬馱金買笑歸胡蝶乍交香粉重粟留新囀玉笙微
多情最是陳王賦不寫湘妃寫洛妃

柳條吹綠滿江津細路飄香作軟塵尺五城南嬌婉女
十三樓外怨歸人鬥回芳艸拋紅袖開到梨花釀老春
日暮誰家又橫笛不勝離思側風巾

靈谷寺松

蕭寺崔嵬峙古松虬時吼翠陰濃天邊弄影迷蒼狗
地下盤根識祖龍摧折雪霜無變改亂離兵甲幾遭逢
前朝雨露誰能及莫問秦封與漢封

贈顧訥菴

毘陵老子大悠哉擗管能登上將臺老健筆狂傳舊法

性靈詩好出新裁，猗龍蛻骨拏珠去。少女簪花渡水來，
不是小人稱慧眼。云何塵劫見真灰。

詠梅

隴頭消息報江干，紫帽橫斜側目看。明月已同青女瘦，
朔風尤到子時寒。銷魂定有羅浮客，大雅全無水部官。
不是勞人太痴絕，更誰通夜倚勾欄。

東郊探梅有懷汪葯谿

東風吹凍解南枝，冷蕊含香破臘遲。明月已空携酒約，
歲寒曾記贈金時。三冬彈指荒、過雨駑驚心索、絲

遙望美人迷處所，隴頭春信又相思。

別程星舫

衡門芳艸駐輕車，穀雨新晴瀹紫茶。風雅頓忘君有過，
烟波未慣我無家。水鄉至味莢兒菜，風信離愁棟子花。
明日湖頭理孤棹，不堪行色又天涯。

春日雨中

東風典盡木棉裘，幕地春寒忽似秋。短、髮蓬頭上老
昏、花撒眼中愁。誰家舊火翻新火，幾處晴鳩喚雨鳩。
斷送玉孫門外艸，不教閒殺綠油。

繡球

抽盡冰絲浴盡棉枝頭繡出藐姑僊一團水玉如傾破
無數梨花忽鬥圓折損莫教拋路側碎分猶可掛釵邊
三郎回顧朦騰醉手把毬場白打錢

春郊同江楷士汪柏岳

江亭綠遍短長條無復閒錢拄杖挑薄命不如東郭乞
少年曾記上宮邀青簾一笛參差舫白板雙扉屈曲橋
天許狂奴放老眼宵將風雨悞花朝

喜社中諸子過寓齋小飲

掃空塵跡寄香林有客來過結靜音名士難除書卷氣
枯僧常掛水雲心孽龍到底非神物坤卦交頭是老陰
莫把絺衣怨殘暑愁懷從此近疎砧

同龕彌勒舊相親老去渾如衲子貧不信客來為地主
只除詩好讓天人掃開敞帚橫琴石洗破輕紗漉酒巾
誰謂禪房太孤寂宋家辭賦有東隣

聽歌

新靛輕裊杏梁塵粉汗沾香拂素巾千顆明珠穿少女
一盤寒淚泣鮫人按將紅豆猶司酒逢着桃花便問津

欲學莊生化蝴蝶東家飛繞過西隣

除夕

歲暮衡門吹雪花故鄉渾似客天涯痴人錯恠窮難送
老馬徒傷齒又加詞賦不堪迎太乙豚蹄聊且祝污邪
辛拌多謝園官餽一寸鵝黃嫩韭芽

衰殘久與世無爭井里猶慚識姓名冒雪乞來分歲酒
隔隣吹起太平笙年飢只服窮人過瓦卜惟占病體輕
自笑自歌還自酌黑甜安穩曙雞鳴

元旦

灰寒楫拙火寒烟依舊茆齋是罄懸曉日為誰先出海
勞人從古不知年渾忘老米如珠貴只愛新詩比璧圓
薄酒還能供小眊絕勝懷刺戟門邊

官曆從頭一徧新短衣難掩舊時貧地天不是尋常泰
風雪都歸苦惱人書卷餘生催白髮藥爐殘火斷烏薪
夜來分我伊蒲饌香積僧厨托公隣

壽汪柏岳三十初度

甲子平分一半過客兒從古恨蹉跎浮沉末俗知音寡
潦倒衡門食指多方罫力追成罔象赫號心授有籠鵝

空嗟野老如山鬼，歲二年，夜薜蘿。

謁武侯廟

千秋古柏接青雲，野殿荒寒祀上勳。
涕淚孤忠存二表，遭逢強敵恥三分。
蠻江割據空殘壘，怪石飛揚隱伏軍。
不是勞臣專戰伐，漢家陵闕久無君。

食瓜

園官秘授青門種，飽食何曾厭老饕。
碧玉有漿和石髓，紅紗無力受金刀。
浮沉且喜同仙李，生長真難托繫匏。
一曲黃臺應記取，能堪幾摘向東臯。

秋日同梁魏今汪約谿相密泛舟邵埭看水宿約

谿鷗波草堂留贈

落盡紅衣水拍天，草堂人坐白鷗前。
攤錢遠市旋沽米，買酒公隣亦放船。
結納是君兄弟好，詠諧容我性情偏。
山杯不惜勞相勸，明日枯查泛冷烟。

寄懷約谿

參星落盡昴星高，誰與勞人解鬱陶。
擣丸應須用全力，刮龜那得有餘毛。
三冬布被寒如鐵，五鼓繁霜利似刀。
輸與田家好風味，珍珠滾夜鳴槽。

病後

多病餘年學養真，
敬盧能似阮家貧。
閒將難字教孫女，
細檢藏書贈路人。
蝶化不知形影別，
鷗閒才見水雲親。
讀殘南史稱蕭老，
貞白先生作外臣。

清羸重掩舊風屏，
病裏齊諧老未經。
鬼母不離羅刹國，
少微還指破棺星。
空花病後猶遮眼，
細草秋來已沒胫。
薄命渾如白團扇，
黃昏疎雨共孤零。

項羽廟

荒之野廟樹靈旗，
血戰烏江是盡期。
雖不逝于原有過

天亡我也竟何辭，
生驕降卒坑秦土。
死愧詞人立漢碑，
過客到來無可祀。
一杯清酌薦江離。

醉螭

捕蟹人家多水邊，
老饕不惜買青錢。
入鹽已破三分酒，
蓋甕難窺尺五天。
浮出紅柑防性冷，
擘來黃甲喜中堅。
一從肥美交秋後，
能掌留為作下筵。

冬日偕諸子掃故人潘雪帆墓

荒碑磨滅枕孤蓬，
那得招魂過甬東。
三嘆白衣惟我在，
一揮紅淚許誰同。
春秋斷義遵胡傳，
周召徵歌起國風。

曾記清貧賢太守朝衫親典葬詩翁

謂博太守

斗酒僧盧憶往年添鐙衰草共昏烟
痴人死不干天祿才子生當嚮俸錢
百藥不治心裏病六骸能放老來顛
孤墳痛哭無家客爾化莊生我杜鵑

春柳

東皇不費鬼工錢萬縷千絲補綠天
紅粉鬥來南陌草玉笙吹過北門船
如醒似醉狂依舊泣雨啼晴瘦可憐
惟有離人不禁老天涯憔悴送青年

二月江城早掛絲栗留都在放嬌時
一風一雨渾無賴

三起三眠祇自持遮斷綠烟迷望遠
折殘紅淚記相思近來怕過銷魂地
帶鬼連張鬥鴨池

長條拂地舞婆婆曾記離亭一縱歌
聞道白衣惟我在不知青眼向誰多
東風有淚休持贈南國無人可奈何
蘓小門前舊時恨自經生長未銷磨

風流張緒冷描條渾似靈和殿角飄
五夜露拋游子淚一春風困女兒腰
半邊鴨綠拖春水幾處鵝黃覆板橋
憐殺琵琶江上客不時烟雨繫蘭橈

自輓

料峭風威入病深尚留殘喘動孤吟丹砂空有胡盧藥
血月全虧四九心一顆明珠輕脫掌七條寒玉瘦
招魂不用求諸遠只在梅花古樹林

銀漢無聲星露稀身如危石墮危磯逃禪未得降心訣
下世先裁送老衣路壓松杉千樹拱隴穿狐兔一秋肥
新封馬鬣茸草忽作他年化鶴歸

一從芒履失風塵百計難求屈蠖伸沒齒不消無量劫
把書除是再生人於今藥灶拋殘火何處泉臺賣老春
聞道劉安太孤寐雲中雞犬四無隣

百年忙殺可憐蟲滾滾空花過眼中一語頓參三昧黑
五鐙齊放九枝紅從來水定風先止未有刀止亦不空
身是玉皇香案吏奏書先上小星風

秋夜禱感有序

余自徂秋以來窮愁萬狀不可僕數且柳生於
肘核生於項一時破潰刀圭難治藥餌罔效四
肢百骸動則若有所拘自顧狼籍不復問於世
矣伏枕呻吟之餘得禱感詩十五首以鳴其志
後之覽者亦重有慨焉

一鐙孤影照淒其，木強形骸百不宜。冷露無聲侵涕泣，
西風如割入瘡痍。尋知多病難求豁，肯信殘年慣忍飢。
得失從來等閒事，為誰心迹戰枯棋。

西江滾滾接空虛，井斗無緣涸鮒魚。駿骨不求燕市馬，
勞薪原是太行車。不安自在工磨盾，翻說窮愁好著書。
叢腹朝朝一盂粥，嘯歌天地小蘧廬。

龍鍾雙袖老江干，不見壺盧舊姓韓。疾痛只除捫處暖，
清羸猶覺卧時寒。甑從隨後何心顧，書到年來沒字看。
幾欲殘軀飽溝壑，過來時日太艱難。

木末芙蓉生冷香，夜風從不煖痴腸。故人見棄如拋瓦，
老子忘情似咬薑。千古干旄亡萬舞，一時笳笛重清商。
如何骨節珊瑚痛，筆力猶能似弩強。

老氣橫秋氣，深不才能復問井。沉淫人混沌，三緘口
屠狗淋漓一快心。斗酒隻雞荒舊好，猛風殘葉入孤吟。
於今不作無衣賦，淒絕江天夜砧砧。

楚簟齊紈休復休，孤蓬隨處卷新愁。勞人有夢常過海，
思婦何心慣倚樓。煖被難存通夜火，下弔猶見半邊秋。
老年情性誰能識，閒似鳧鷖拙似鳩。

星斗闌干夜氣清壯懷都作水雲平飛來六月才為息
養就三年不肯鳴入漢先憑諸父老抗秦猶仗一儒生
吾何病、難言病遲暮醫未已病成

譙門悲壯咽清笳不道勞人髀已華白露為霜天有過
蟄蟲坏戶我無家終天側目窺秦火滿地收心返漢槎
一自鼎湖絕龍種至今誰復問丹砂

絮帽蒙頭混軟塵道來無不合棲真四民已占鰥孤獨
百藥難治老病貧乞火夜鈔高士傳買絲秋製野人中
隣翁有約山家酒桑落新醅賽老春

強將無法說無名時事由來老不更一自狂心分出處
斷難塵眼放光明元龜不救剗腸患老馬何勞伏櫪鳴
種豆南山飯牛下可容遲暮學歸明

男兒墮地即稱雄才轉顛毛使下風粟帛將求上老々
香鑿空禱碧翁、伐蛟乃用千金劍射鴨何須兩石弓
借問此身何所似蒹葭秋水一哀鴻

蒲柳霜姿頽影形過來岐路不堪經百年幸脫臯陶鬼
五夜痴看傳說星力盡艸風廻大雅望穿財賦免孤丁
索居猶勝秋風客短夢長途聒馱鈴

著長龜短絕知音伏卦於今化返吟貧到得金猶贈客
老除看劍不關心勞魚縱壑殘沫倦鳥求巢失故林
若把寒潮比清淚不知相去幾多深

百年秋啣信天翁瘦骨觚稜似水藻詩較八風歸正雅
病從五體入中宮平原都督猶堪勸烏有先生本自空
莫道閒愁太無賴是誰橫遂宋家東

少不如人老奈何入秋尤覺病時多免從晦日生新魄
人到衰年走下坡赤水玄珠探罔象翠微清磬禮彌羅
將心淨受如來法消遣流光一刹那

贈王劍門

丞相家風一味清堅留小飯見真情六鰲把釣充蝦菜
九碗揮鉏作豆羹壯士無家能過活才人有女足平生
相逢不惜千金劍要聽王郎斫地聲

垂雙髻白鬚少壯佯狂老更憨一自王孫重風雅
頓教詞賦滿東南長城地五兼天五猜破朝三即暮三
傀儡何須向人說直來湖上指晴嵐

老去悲歌多曼叢道來新句抵長城大烹不用屠門嚼
殘劫偏教我輩生不分擲掄遭鬼笑敢忘辛苦結鷗盟

建安才子皆工賦惟有登樓取愴情
郎當衫袖老嗟嗟戟府何由似敝廬四月不知櫻筍賤
百年無恠友朋踈甕頭道士稱歡伯囊裡先生號子虛
白首相知惟爾我莫辭烟水寄雙魚

望月

誰掃荒天一片塵海波搖蕩捲水輪蝦蟆大腹驕痴賈
蛤蚌新胎孕美人五夜盈虧還獨守九霄霜露更誰親
無情斟酌姮娥寡吟倒風前白纒巾

秋夜同馬訥庵話舊

荒鐙殘月話邦畿哭到如今淚亦稀滿地兵戈飛劫火
一天星斗掛秋衣馬蹄終識燕臺壯龜板終嫌蜀道微
草木無知猶有恨那能鷗鷺竟忘機

且喜寒烏有舊枝夢中鵬鳥浴天池鬼幽鬼躁君能識
龍子龍孫我易知殘漏未完堪幾滴夕陽雖煖沒多時
倦游暫借吹笙地冷榻茶烟鬢影絲

浪遊同病老儒巾除却悲歌搃不親黃耆猶稱亡命客
白衣真是有心人珠崖鼙鼓終歸漢督亢携圖枉入秦
眼底自為升斗計西江誰與活枯鱗

朔風吹雪射雕天白草黃羊有涕漣肝腦盡汙南渡壘
珊瑚空冷北征鞭紅巾裹額看兒戲皂帽蒙頭卧老年
飲啄養成丹頂鶴不知何日化飛仙
老去家鄉似異鄉擊球無復舊歡場形骸否泰三隅反
與灶功名兩不將樊笈那堪降劣馬長弓原可射天狼
晤言纔罄心脾恨劍上龍文發恠光

題趙念昔小照

手翦吳綃勝衍波賣絲難繡玉嵯峨生如俊鶻盤空早
身似殘棋受劫多讓席慣為名士主整巾時有故人過

繫情最是揚州夢不惜明珠一贈歌

寄葑谿

湖頭高柳碧毵毵舍北鳧鷖逸舍南已卜餘年容遁迹
莫忘群小望分甘夢魂入夜棲尤穩菱芡逢秋飽尚堪
尔我不材宜抱耒敢將畝畝博朝簪

金陵留別張二如

千絲楊柳拂晴沙一桁青帘燕尾斜今古勞人惟我輩
去留孤夢各天涯夕陽鴉背翻金屑春水魚腮走浪花
正好離愁勸歡伯其如柔櫓太伊咂

春郊

乳燕才飛細艸芳東風如許割心腸青燐夜化城邊血
紅粉春焦寺裡香槐國有人多貴顯江都無夢不荒唐
誰家更奏陳隋曲暗合離騷第九章

咏白秋海棠

洗盡妖紅雪色清可堪朝雨暮新晴十分好月秋消瘦
無價明珠淚長成別去便為懷夢艸見未真是斷腸名
任他種向胭脂土太素由來性不更

一剪秋光活欲飛烟絲能瘦雨能肥雪堆小嬾新冰繭
風碎殘魂舊粉衣不識鶯腸嬌易斷只愁蝶夢冷難歸
燒燈昨夜分明見清露無聲降玉妃

雨歇風立小蓬門軟玉玲瓏種有根攔曲邊秋易老
影垂處月無痕生蠻駭指珍珠窟怨女痴拈蛺蝶魂
忽憶揚家諸姊妹是誰嬌軟敢承恩

西風如剪動淒迷似為情深粉頰似翠被冷遮神女夢
玉床嬌倚雪兒啼寒梅作聘心難滿秋艸同窠命與齊
正是閒愁太無賴海蟾剛到粉牆西

贈石上人十首

纔到神京便息機更將蠟蟻小輕肥
曉參龍女擎珠獻夜戰天魔杖錫歸
飲啄不勞東道主嘯歌多仗北山薇
長林舊有棲心地黃葉青苔白板扉

洗盡塵囂即法音欲求苦雨化甘霖
白雪是處疑團大紅粉中間業障深
悲壯平分三尺水飢寒交戰五更心
肯容講席忝真訣自在餘年抵萬金

繡金何異打泥牛得道應須慧業脩
吐鴿斷非真食品斬猫原是惡參頭
五千文字閒中得十八華鐘定裡遊
只是烏巢堪托跡任人情性拙於鳩

阿師芒履任西東回指長安類轉蓬
一路水雲蓮社白萬家針線祖衣紅
夢遊寡宦孤烟外詩在寒蛩冷寺中
塵世莫教開慧眼任從螿觸鬥雌雄

一枝安穩借棲禽卓錫何須布地金
悔與貂蟬遊左个自携香火入東林
毒龍降在非想野馬收從淡心
猜破浮生底事白雲西指萬山深

朝戴寒霜暮履冰不知行脚更何能
竒龍偶虎藏空鉢萬水千山卓瘦藤
半偈心中開覺九枝禪火散燈
眼前可信多狂客痛飲長歌得大乘

滾：紅飛十丈塵得來隨處隱閒身一瓢乞食餐飢鬼
百藥為丸解病人習靜還憑蒼狗變放閒時與白鷗親
任從流水盤千曲不見桃花不問津

無端明月叩禪扃來照寒松瘦影形午夢打從蕉覆鹿
夜光看到草為螢恒河沙數新龍象優鉢曇花舊祖庭
最是秋未心意滿一堦紅葉够抄經

蕭騷蓬鬢點新霜粥飯隨時懶過堂萬里生還驚路險
百年垂老悼詩心殘經重畏西番錦冷衲濃薰大內香
斷送流光同石火更教清苦事空王

天涯浪跡多雲水曾有蒲團掛羽林南國未窺天子夢
西方親送美人心詩從有淚成三疊琴到無弦備五音
幾日津頭送離別一蓬烟雨望沾襟

城南送春

柳外東風莫可招離魂空繫短長條青旗酒店新歌扇
紅粉人家舊板橋萬點只愁飄暮雨千金無復買春宵
馬蹄明日城南路獨自鞦韆掛寂寥

送石濂上人渡海說法

一葉青蓮手自拈浪頭簸米飯金鱉羹王屈節虛前席

蠻女降心解佩刀
捧首波臣清鬼恠
分班天馬駕風濤
遙知夜半安禪處
舍利光圓海日高

題汪巢林春深卧雨圖

細雨葑齋碧艸侵
荒唐蝴蝶杳難尋
關心事在閨中老
彈指春從夢裡深
借問季良能面虎
何如逸少寫朱禽
閉門却笑閒居者
不作歡吟作苦吟

上巳日城南有感

野水晴波接蔚藍
少年孤塚復誰看
看身惟燕子輕相爾
命作桃花短自甘
紅粉城南天尺五
玉簫樓外月初三

斷腸往事你回首
欲把春心禮佛龕

壽方庶咸七十

軒轅遺火鍊清真
花甲翻頭又一旬
絲管半空張廣樂
茶瓜三伏點生衣
雲漿石髓皆能壽
竹祖桐孫本自親
想爾東華最高處
前身應是種松人

七夕

幾日秋風吹騶絲
安排瓜果製清詞
痴魂正倚闌干角
側目剛交亥子時
指授采雲遮戲塵
剪裁新月掛相思
離人立盡梧桐影
翻恠南譙更漏遲

中秋看瓦塔

砌就瓊瓏接上方，合尖原為寄空王。不知清淨琉璃火，
竟作兒童瓦礫光。蟾兔平分秋甲子，管絃都占月中央。
請看善信多紅袖，麝粉濃薰抵妙香。

自活

百年漁弋老閒身，懸磬家如北阮貧。車上載來多是鬼，
眼前看去久無人。蓋藏原為防飢鼠，服食先教養穀神。
聞道寒梅盛霜雪，向南先解一分春。
重泉無復有歸期，補腦還精老更宜。薄命不堪談日者，

空囊難解謝天醫也。應上帝憐孤獨，竟作勞人小別離。
回首蓬壺立鰲背，又未塵網混蟬蠶。

生田先備禮香林，引氣還須土木參。泥泚餘生游渭北，
戴顓垂死卧山陰。亡羊不識東西路，牧馬難安得失心。
病裏何能辨休戚，隣家相杵不停砧。

淒淒深掩舊風屏，訥還持沒字經。鬼母不離羅刹國，
病符偏指少微星。金從百煉才能赤，眼到重開不奈青。
難譬揚雄舊生友，問奇重過艸玄亭。

海上空傳却老方，教余無處置胡香。殘年猶有孩心在，

病骨其如左背僵入夜餘灰抄宿火過寒軟艸製新床
家貧欲備伊蒲饌豆麥流匙簡梵王

破蕉

紅蕉敗葉剪吳娥慘澹渾如舊衍波南國有情秋信早
西風無賴苦心多雨零四外蟲聲碎風獵中間鳥跡訖
最是哀吟古牆角五更殘月奈愁何

冬日率况兼懷勿堂

日暮荒厨生冷烟豐年如此况飢年賣文減價從人笑
乞米無多好自肩垂老瘡痍常病肘乍寒風雪未衣棉

論交獨有方干遠欲把雙魚寄錦箋

猿

一從天外落塵埃茅栗何曾得滿腮空化義人傳劍術
只扶仙侶上丹臺迴腸叫月三聲斷遠夢投荒萬里回
瘴雨蛮烟連臂處別離子母不勝哀

拾月集

五言絕句

江都朱冕冠南著

題函

襟期與誰合平生山水間
前溪萬松樹抱琴未不彈
蝦蟇

短脰能長鳴無情聒昏曉
猛雨不聞聲池塘夢春艸
大腹原痴蠢何曾入月中
夜未敲閣疑是罵盧仝

題叢篁枯木圖

古木無七情千年有知識日夕化為人空山聞磬歎
萬籟風為竅三冬雪作花狡兔下邊穴寒鷓高處飛
敗葉已吹盡秋穀只自哀野老不知處讀書時復未

芹

鑿冰采澗芹冬日不及春正宜對魯酒那復羨吳莼

白小

臨淵窺白小落釣與山厨烹未惜物命此後種園蔬
曉過近人口占

空庭寂無人高眠猶未起曉風何蕭蕭桐子打窓紙

詠蘭

美人湘水頭羅袖翠烟薄日暮把紅蘭相思欲誰託

禮佛圖

合掌蓮華蕊頂禮蓮華開蓮華有妙意空色觀如來

題采桑圖

采桑陌上桑行歌不知緩忘却蠶已飢所思夢中遠

拾月集

七言絕句

子夜四時歌

陌上東風玉笛吹樓頭楊柳唱新詞
剪刀最是并州快不斷春心一寸絲

手浴冰盤敞素襟古槐高柳暮蟬吟
火籠夜々煎脂髓只是相思冷到心

一回狂笑一悲歌又向青天喚奈何
不是江南潮汛長

斷腸人淚到秋多

葡萄古錦覆孤眠薰透濃香冷透肩試看紅羅巾上淚
晚未冰作蚌珠圓

采蓮曲

風翻荷葉一秋池斷藕從未不斷絲日暮誰家采蓮女
拍歌之下小姑娘祠

秋夜口占

才見殘陽又夕陰忽生新月掛孤林誰家一笛玲瓏玉
吹破愁人夜之心

梅花

路入寒梅江樹斜十分濃雪一分花野人能耐三更冷
明月空山問酒家

除夕

不到無家不是貧不經殘臘不交春當年笑倒曾邀福
也捧觴盤接灶神

一杵星斗伏微機天道無私竟有私惟我終年打殘劫
別人都着太平碁

郎當衫袖老龍鍾短杓長瓢臘酒濃醉向街頭無一事

看人忙到五更鐘

新夏過默夫小飲

棟子花開麥秀時
郊擔雙剪燕差池
旗槍獨占黃梅雨
綠筍朱櫻上市遲

敲罷棋枰即索書
坐看斜日下堦除
已沽野店三升酒
又買江鱗尺半魚

牽牛花

藤梢花繫小如鈴
望斷明河織女星
曉夢乍回清露滴
十分空翠隔窓櫺

雨後桃花

夜來微雨濕輕塵
瓣、桃花柳外春
一任風狂流水去
莫教勾引問津人

篠園看梅

桃花驕馬水蘭舟
不到寒香冷地遊
曾記曉風偷眼處
一分開是一分愁

野香吹醒病眠人
倚樹貪看側角巾
二十四橋紅粉淚
一時都化可憐春

五更冷露三更月
有夢曾經卧碧苔
只怨香魂易吹散

倩人先築避風臺

江南隨處種相思
命薄情深只自知
翻喜夜來風雨意
不教開到十分時

題鷹

西風披拂老霜毛
不逐仙禽遍九臯
南內傳來裁秘錦
急須狐腋整宮袍

題牛

礪角閒眠艸樹中
夕陽橫笛與村童
輸他萬里霜蹄健
飽咽陰山飭粟風

題雁

西風曾為稻梁謀
接翅未歸漢苑秋
切莫盡情啼過月
有人含淚倚高樓

春日

一樹杏花吹滿樓
誰家橫笛小涼州
愁心竟是籬根筍
昨日齊肩今過頭

桃花

桃花吹破曉烟空
白板橋頭柳外風
曾記雨晴村巷裡
賣餠人過一身紅

新鶯啼上最高枝紅粉青樓破夢時欲把春心與春水
一溪流出碎胭脂

嬌紅能學女兒粧露出東邊宋玉牆惱殺司香狂侍者
一枝偷折供空王

渡頭婀娜棹歌新不是尋常陌上春分付漁郎休惹事
等閒勾引問津人

臘八日約汪葯谿郊遊不來並示柏岳

古城紅葉照西窓不信閒愁酒不降令弟同來期醉倒
隣鐘時有一敲撞

題蘭

江頭日暮冷秋烟錦瑟湘娥罷鼓絃折取紅蘭繫裙帶
暗香吹到舜床前

食豆

豆箕煮豆不須哀種自南山是不材縱有明珠傾百斛
那能寒夜佐深杯

艾陵曉發

水鄉客飯早紅蓮書卷行裝束破氈誰道漁家貧似我
一船烏鬼十千錢

月季花

一年十二度春風不與尋常百卉同月：竟如潮有信
比來除是女兒紅

新秋

睡起銀床曉夢清乍寒猶暖紵衣輕揭簾始信西風大
一夜吹開艸決明

題竹

露竹垂梢夾岸齊鞭驅騎過板橋西冷風殘月歎吟處
猶勝長安送馬蹄

夜雨新晴艸屋東籜龍抽尾上青空田家不用干霄勢
尺五堪為射鴨弓

蘭

瀟湘一帶長靈茅不數仙人萼綠華日莫江頭候雲雨
鷓鴣聲裡是儂家

巢林墨梅

子梅初放一枝新懊惱霜神與雪神霜雪梅花一片白
可憐憔悴苦吟人

歲寒三友圖

地老天荒古龍蟄鱗鬣動張強如鏡北風倒刮月色枯
冷翠狂香共歡悅

五港口道中

江上晴峰雨洗清岸頭淒絕艸蟲鳴沿溪十里蜻蜒棹
都在芙蓉樹裡行

送剩樓遊虎林

行笈裝書典玉籤暮江尤喜北風恬初三正是如弓月
愁似新潮夜々添

西湖西畔有西陵此去離愁恐不勝今夜泊船江上水

白芙蓉裡一秋燈

水程無計客愁銷不載詩瓢載酒瓢殘醉半醒江月白
舵娘歌裡過楓橋

離亭々外水連空別酒能添兩頰紅莫惜蠻箋託雙鯉
邗江原與越江通

銷夏四首答項霖民

赤帝鞭龍不受降一時噴火過荒江問君何處能銷暑
十笏團瓢四面窓

安石榴花似渥丹時鮮菜菔錯登盤冰漿不用消煩渴

自有心為君主官

竹床小眊日西斜報到園官送紫瓜童子一雙閒袖手
自搓龍鳳小團茶

轟、羲氏輦驕陽入海難求避暑方六合為窰如斗大
君居天外小清涼

題友人望海圖

萬里狂波渾接天一杯吸盡總茫然不須錢網些兒力
儘有珊瑚到眼前
平生只為酒糲糊拋却驪龍領下珠醉裡不須論價直

一輪明月與當壚

狂到先生沒盡頭興來海上狎輕鷗不妨添我
同看虛無結蜃樓

蘭

日夕空江寶瑟哀峽雲終過楚雲未義人自去黃陵廟
湘地紅蘭掃綠苔

五港夜泊

岼頭風雨渡疎鐘客裡難教睡味濃不識一燈何處泊
四邊都是冷芙蓉

題友人小像

誰能散髮倚巖阿，惟有枯魚泣過河。
收拾綸竿何處去，于今平地有風波。

墨蘭

雲外鞭龍海上飛，畏糧原有北山薇。
歸來自種紅心艸，留與神仙奕玉妃。
巫峰十二望君山，何處丁東響佩環。
不覺采香日之夕，一痕新月似弓彎。

四月口占

村：濃綠碾茶膏，細揀銀鍼鬥紫毫。
四月不曾閒食指，左拈蠶豆右櫻桃。

遊仙

漢使乘槎空海濱，青男青女問仙津。
茂陵老去秋風客，輕薄東方作美臣。

明月空懸賽瑤鈴，洞門深鎖一層層。
只留白鹿駝芝艸，飢餒梅華渴餒冰。

宴罷瑤池漏未終，醉顏渾似水芙蓉。
戲拋九節菖蒲杖，化作壺天一角龍。

金陵送客

白門風蕩柳花新
野老難邊賣老春
僕是白門江上客
年年沽酒送歸人

贈王崑霞鍊士

北溟海水到心官
烈火能教徹骨寒
借看真陽舊時藥
赤烏銜出一金丸
幾日吹笙出絳都
秋雲孤影下雙鳧
揚州夜月無多大
直似葫蘆一粒珠
眼底無舟亦自操
於今忝破翻心勞
蒲團且學敦坐

黃雀修翎染道袍

自携清酒出餘杭
心佩雷紋綠字章
夜醉秋壇卧明月
曉騎箕尾謁虛皇

有感

屋頭老瓦北風穿
衰病離披一破氈
車笠有盟肝胆共
絕無人到卧床前

題画

橋上人歸水影空
艸堂高苑與誰同
此間大類羲皇世
那有塵飛到眼中

荷包牡丹

天工拈出女兒箱，點點天紅靠短牆。
炕上一冬針線火，贈人春恨繫人腸。

送宋默夫之秦郵并囑寄酒

河橋把臂且停舟，橙橘垂垂樹杪秋。
君去珠湖須寄取，五加皮雪印方頭。

送趙念昔歸湘潭

平原公子住湘潭，君去無聊我自酣。
歸到故鄉先寄我，最能消酒洞庭柑。

幾年彌勒共香龕，忍別橋頭上下庵。
好向狂波寄雙鯉，北鴻從未抵江南。

友人處嘗酒口占

清州從事本純臣，不比冬醅醱早春。
紅印泥頭編甲子，卜家皮雪九年陳。

素心蘭

翠葉中分白玉寒，藍田新種好加餐。
剪冰裁雪珎珠蕊，莫作尋常九畹看。

珠玉胚胎冰雪姿，一生羞殺比紅兒。
水晶簾下銀屏護。

自整輕綃出浴遲

仙妾年々慣采香五更星斗奉虛皇一從識得玲瓏雪
定與湘娥索秘藏

空谷人稱第一花春風春雨玉抽芽
美人南國誰相似
西子含顰到館娃

金郎走馬吟

誰家矯矯馬連錢騎出須防一溜烟
莫笑鹽車困良驥
也駝名士上青天
冶游不是本來心
終遇紅橋又竹林
從人要學真邊式

盡把新衣缺右襟

飲味蔬堂醉後作

不堪荷葉老儒巾每到論詩即上賓
自笑狂夫何所恃
肝腸如雪膽輪囷

暮雨

腰鐮原為斷愁根不斷愁根反斷魂
更有西風太多事
無情催雨下黄昏

與汪約谿就研約游郊外不果飲味蔬堂口占三

絕句

城頭落日落不盡山寺約游，不成盃簪豈是等閒事
尔我不情誰復情
嘗魚斲鱗義堪嚼短杓長瓢香自沾我歌君和兩拍手
歌成一曲紅珍珠
珍珠產在東海東酒邊有淚珍珠紅滿地珍珠不足貴
寸心難得兩心通

簫銘

拂楚雨兮披湘烟抱中虛兮外節堅泣幽蘭兮叫哀鳳
心美人兮思綿々

除夕

每逢殘臘一吞釐薄祭空俎存豆名似為先人資冥福一
杯藜藿當刑牲

題米襄陽画

神龍婉矯出淵潭赤日行空午不堪渴飲墨漿三百斛
一時噴雨遍江南

鍾進士讚

終南一老居山之陽辟邪厭鬼受命彼蒼五陰內柔一
陽外剛維卦之數得謙之光君子履之何用不臧

拾月集

詩餘

江都朱冕冠南著

蝶戀花病中偶作

睡起秋衣渾是縐病骨間憑曲、闌干瘦有命直除天
保佑西風滿地皆紅豆打點香衾薰個透隣女箏聲
切莫黃昏又孤枕也為將且就夢魂只是胡斯轉

如夢令園上秋望

野水琉璃般翠落日胭脂般膩殘喘一絲、說比秋魂

還細憔悴，多是少年兒戲

句

野店白埋千樹雪僧樓紅吐一龕燈

穢除口過先心過放浪兒年到老年